

Zeitschrift: Le nouveau conteur vaudois et romand
Band: 95 (1967-1968)
Heft: 7-8

Artikel: Na lèjande dou tyinton dè Glaris
Autor: Kaisar
DOI: <https://doi.org/10.5169/seals-234735>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 21.05.2025

ETH-Bibliothek Zürich, E-Periodica, <https://www.e-periodica.ch>



Pages fribourgeoises

Na lèjande dou tyinton dè Glaris

Chu la Sandalp, on valyin l'intsôtenâdzo adôdjî ou fin fon dou Linthal, amon kontre le Tödi, tsalochîvè on yâdzo on-inmethâ dè tinyâre, ke ne valyî pâ lè katre fê don tsin. Chti breyâko îrè orgolyâ kemin on pyà, arogan è intrèpido. I ba-thèyîvè è agonijâvè to le chan vré dzouè dè krouyè réjon on piti dyérthenè, pâ tru rèvèlyi, ke fajî le bouébo dè tsalè pè hou kalyoûtsè. Chti bouébo li fayî chè krèvâ dè huyî du l'ena di j'éthêlè a l'ôtra è îrè onko proût chovin koûthâ pè chon patron. Kemin chtiche ly avî tsêrdjî on bî dzouè le bouébelè, ke n'avî hè chèna nè dona mé, d'on travô ou dèchu dè chè fouârthè è ke n'è pâ vinyè a koû dè rèvoudre, l'in-methâ d'êrmalyi li a plyantâ la tîtha din la tsoûdère, yô le lathî îrè in trin dè kouêlyi. N'é pâ fôta dè vo dre ke le poûro li lya trèpachâ, bournâ è ètوفâ. Adon nothron këfre lyè jelâ trére le cadâvro avô na rotse ke balyîvè drî dèchu la lyére de la Linth. In rinrin ou tsalè lya indjoûlâ lè j'ôtre j'êrmalyi, in loû dejin ke le bouébo ch'îrè probâblyamin tsâblyâ in-alin rapêrtchî lè tchîvrè pè lè vanî, ou momin d'aryâ.

Fêrmo grantin, le kouâ dou bouébo, pindê a bêtsevè chu on ban dè rotse éch-kâye. Kan balyîvè di j'ivouâdzo le kouran

dou ryô ramachâvè lêvi, a tsô l'on, lè j'oû dou pouro bouébo. Chatyin koû, on-in viyî guignî on chu la lyére de la Linth.

Aprî on pâr dè j'an, kan ch'imblyâvè ke tôt'irè déhyin oubin oublyâ, fîthâvan la bénichon a Linthal. Tsakon îrè dzoya è nothron bregan d'êrmalyî trolyîvè kemin on-inmethâ. Kemin i hlyamâvè dè chê (n'avan pout-îthre in mé dè brè !) lyè jelâ prindre, po chè dècharâ, oun-inpanhya d'ivouè ou ryô, ke pachâvè a rinda la pinta. Irè in trin dè pouïji le dzu avouî chon tsèpi, kan lya trovâ ou fon dè l'ivouè on piti l'oû, dèvinyè to blyan pè le chèla è lè mortô tin. Tyè n'in d'a-the fê le brejâko ? N'a pâ trovâ plye bî pan tyè dè l'adôdjî ou ruban dè chon tsèpi. Dinche afûblyâ lyè rèvinyè danhyî avouî lè j'ôtro. Ma, to por-on koû, le piti l'oû chè betâ a dzervûtâ è a chanyî vi rodzo. Kan to le mondo lya yu chin, tsakon chè de : « Chin lyè on-oû dou pouro bouébo dè tsalè de la Sandalp è lyè mé tyè chur ke lyè l'êrmalyi ke l'avî fi a muri. » Du chi momin, nyon n'avî mé le go dè danhyî è lè menèthrê lyan du plyèjî badyè è lou j'etsevi. Lè jandârme chon adon arouvâ po rapêrtchî le tinyâre môfità ; chtiche lyè joû djudjî è kondanâ a moâ a Glaris.

(Patois de Charmey.)

Kaisar.